



**Suliniuumut Mary River-imut tunngatillugu Killiffik 2-mut siunnersuut
pillugu ESPOO-mut nalunaarusiamut missingiutaasumut
Iisimatusarnermut Avatangiisinullu Naalakkersuisoqarfiup
oqaaseqarnera**

Suliniutip Mary River-ip naalagaaffiit killeqarfii akornutiginigagit
sunniutigisinnaasai pillugit ESPOO-mut nalunaarusiamut missingiut siulleq
Iisimatusarnermut Avatangiisinullu Naalakkersuisoqarfimmit tiguarput.

Naalakkersuisoqarfiup nalunaarusiaq nalilersorpaa nalunaarusiamilu amigaatinik
itisilerneqartariaqartunik, nalunaarusiap Kalaallit Nunaanni tamanut
tusarniutigineqannginnerani aaqqinneqaqaartussanik, nassaarluni.

Nalunaarummi amigaatit pingaarutillit ataani allassimasut
Naalakkersuisoqarfimmit suussusersineqarput, taakkulu Kalaallit Nunaanni
innuttaasut suliniut pillugu oqaaseqarnissaannut pingaarutilinnik
paasissutissinneqarnissaat anguniarlugu itisilerneqarnerusariaqarput.

- Baffinip Kangerliumarngani aamma Kalaallit Nunaata imartaatigut
umiarsuit aqquutissaat nalunaarusiami assiliartalerneqarlunilu
nassuiarneqassaaq. Taamatuttaaq umiarsuit aqquutissaata eqqaani
sunniiffigineqartussat uumasut imarmiut najugaat uumasullu
malussarissut nassuiaatigineqartussaapput. Nalunaarusiami ilaasussaavoq
umiarsuit aqquutaata nalilersorneqarnera, ukiup qanoq ilineratigut uumasut
miluumasut imarmiut ingerlaartarnersut sukkoortarnersullu
eqqarsaatigalugit.
- Attup Uummannaata Avataata kisarsimaffittut atorineqarnissaanut
sunniutaasussat nalunaarusiami allaaserineqanngillat. Attup
Uummannaata Avataa imartatut malussarilluinnartutut isigineqarpoq,
pileraarusiorneqartullu qanoq sunniuteqassanersut nalunaarusiami
itisilerlugit nassuiaatigineqartariaqarput.
- Umiarsuarni saffugassanik assartuutini orsussap qanoq ittuuneranik
paasissutissat nalunaarusiami nassuiaatigineqartariaqarput.
- Kalaallit Nunaata imartaani avatangiisit ajoquserneqarnissaat
pinngitsoortinniarlugu iliuusissat annertuumillu ajutoortoqartillugu
upalungaarsimanermut pilersaarutit nalunaarusiami
nassuiaatigineqartariaqarput.

Date: 17-02-2021
Journal No. 2020 - 1766
Act-id: 16092711
P. O. Box 1614
3900 Nuuk
Tel. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

- Saffiugassap annersaa Hudson-ip Kangerliumarngatigut umiarsuakkut assartorneqarnissaa pilersaarutigineqarpoq, aasaanerani sumiiffimmi tassani arfiviit aarrillu nunanit marlunnit aqunneqartut nalliusimasarput. Aqqutikkut kujasissukkut umiartorneq uumasunut nunanit marlunnit aqunneqartunut qanoq sunniuttarnersoq nalunaarusiami nassuiarneqartariaqarpoq.
- Milne Inlet aamma Eclipse Sound-ikkut (imartani eqqaaniittuni) umiartorneq uumasunut miluumasunut imarmiunut qanoq sunniutissanersoq eqqoriarneqartoq siornatigut umiarsuarnik mikinerusunik piffissamilu sivikinnerusumi umiartornermik tunngaveqarpoq. Maanna umiartornerup piffissami siviluumi qanoq kinguneqarsinnaanera ilisimaneqanngilaq, umiartornerullu sivitsornera umiarsuillu anginerulernerat piffissaq ungasissoq eqqarsaatigalugu Kalaallit Nunaat peqatigalugu aqunneqartunut qilalukkanut qernertanut sunniutigisinnaasaannut nalorninaqutaapput. Nalorninartoqarnera nalunaarusiami kisitsisinngortinneqartariaqarpoq, taamaalilluni uumasut nungusaataangitsumik piniarneqarnissaannut siunnersuinermi nalorninartut tamakku ilanngunneqarsinnaaniassammata.
- Qulaani taaneqartut ernummatigineqartut pingaarnerit pinngitsoortinnissaannut iliuusissat naleqquttut nalunaarusiami eqqaaneqartariaqarput.

Inussiarnersumik inuulluaqqusillunga
Kind regards

Martin Schiøtz
Ministry of Science and Environment
Toqq/direkte 34 67 17
MASC@nanoq.gl